

Nanzningz Guh Hozdung Lwnhgangj 2025 Nienz Hwnqguh Gih Guhyiengh Couqmaenh Gij Eiqsik Cunghvaz Minzczuz Ranz Vunz Ndeu Caeuq “Dahcej Gvangjsih”

4 nyied 23 hauh, Nanzningz Si Fulenz、Nanzningz Si Minzczunghvej、Nanzningz Si Veiswngh Genganghvej lienzhab guh hozdung lwnhgangj cauhlaeb “aen gyadingz vuenyungz Nanzningz” caemhcuk “suenranz minzczuz doxgiet”——2025 nienz hwnqguh gih guhyiengh couqmaenh gij eiqsik Cunghvaz Minzczuz ranz vunz ndeu caeuq “dahcej Gvangjsih”.

Youq gwnz hoih lwnhgangj, sam boux bouxlwnhgangj “dahcej Gvangjsih” daj Nanzningz Si mbouj doengz hangznieb dauj haenx hopheux aen cawjdaez couqmaenh gij eiqsik Cunghvaz Minzczuz ranz vunz ndeu guh lwnhgangj. Yienhciengz lij laeb guh ciengj hoizdap、baijok doxgaiq minzczuz vwnzva、minzczuz cwngecwz fapgvi cihsiz senhconz daengj.

Gaenh geij bi dauj, Nanzningz gak hangz gak nieb bouxlwnhgangj “dahcej Gvangjsih” haeuj gihgvanh、haeuj giyez、haeuj segih、haeuj ndawmbanj、haeuj hagdangz, aeu couqmaenh gij eiqsik Cunghvaz Minzczuz ranz vunz ndeu guh diuz sienqmeh, doenggvaq guh gij lwnhgangj hingzsik lai yiengh、faen loih guh、caez caeuqfaenh, yungz gij cauhamoq lijlan aen Dangj haeuj ngoenznaengz ginzung bae, “yungv vahbingzciengz gangj lix dauhleix, yungv vahdoengsug gangj cingcu j dauhleix”, hawj gij “sing’ yaem ndei” aen Dangj bienqbaenz “gij yaem cei q giengz” seizdaih, youq daengx sevei ciengq gok caezguh “Cunghvaz Minzczuz ranz vunz ndeu, doengzsim caemhcuk loqsiengj Cungguk”, mizyiengh mizcingz mizyauq doidoengh senhconz gyauiyuz couqmaenh gij eiqsik Cunghvaz Minzczuz ranz vunz ndeu. (Veiz Sezyenz/韦雪妍)



▲Gyoengq siujhagseng caemh doeg 《Lijgi》.

Liujcouh Yizfungh Gih Guh Hozdung “Ngoenz Doegsaw Seiqgyaiq”

4 nyied 22 hauh, Liujcouh Yizfungh Gih youq Liujcouh Vwnzmyau guh hozdung doegsaw couqmaenh gij eiqsik Cunghvaz Minzczuz ranz vunz ndeu, cauhaeb suenranz cingsaenz caemh miz Cunghvaz Minzczuz caeuq “doeg gozyoz ginghdenj • cienziep vwnzva maenhndei”. Hozdung miz 1200 lai vunz camgya, yienhciengz gyoengqvunz caemh doeg《Lunzyij》《Lijgi》《Cazgingh》daengj saw ginghdenj. Yienhciengz lij miz cazyi biujyienj、conzdungj lijyiz biujyienj caeuq baij raiz saw mauzbit, doenggvaq lai cungj hingzsik fatyiengz caeuq cienziep Cunghvaz conzdungj vwnzva maenhndei. (Yangz Lingz/杨凌)

Ningzmingz Yen Guh hozdung “Cangqheiq Haeuj Segih”

4 nyied 22 hauh, Ningzmingz Yen Yinminz Yihyen caeuq Mingzgyangh Cin Veiswnghyeh daengz Mingzgyangh Cin Mbanjcwnyoz guh hozdung yawj bingh mbouj sou ngaenz. Doenggvaq aen vunqsik dangigen lienzen, cujiez donzdui lai yozgoh yihliuz bang vunzmbanj yawj bingh mienxcienz、genjcaz ndang cangq mbouj cangq caeuq bujgiz bingh cihsiz daengj, cietsaed soengq gij yihliuz swwhyenz ndei daengz laeng gihcwngz ginzung.Baez hozdung neix bang 110 boux vunzmbanj yawj bingh, fat le veiswngh cangqheiq senhconz swhliu 300 lai faenh. (Couh Yizgangh/周贻刚 Yez Gvanghgingz/叶光琼)



▲Canghyw bang vunzmbanj yawj bingh. Couh Yizgangh ingj



▲Boux conghyah cijdauj boux ndaem gva ciengx duzrwi.

Mungzsanh: Baengh Duzrwi Cienz Vafaenj

4 nyied 25 hauh, Mungzsanh Yen Sinhhih Cin Mbanjbadoz aen giekdeih ndaem gvadiemz ndawde, boux conghyah Swcigh Nungzyez Nungzcunh Dingh Camh Cijdauj Ciengx Duzrwi gangj duzrwi guhlawz bang go’ gva cienz vafaenj hawj boux ndaem gva. Ciuq cam rox, aen camh neix youq daengx gih saedhengz aen hanghmoeg “guhyiengh caeuq doigvangq dinfwngz duzrwi cienz vafaenj”, daezhawj duzrwi cienz vafaenj mbouj aeu ngaenz, caemhcai fucwz gaen son dinfwngz. Bineix, youq Mungzsanh Yen 4 aen giekdeih sezsih nungzyez saedhengz aen hanghmoeg neix, nangqdaengz najdieg 400 lai moux, daezhawj duzrwi cienz vafaenj 100 sieng. (Vangz Swnglinz/黄胜林)